

TUZLANSKI KANTON
Ministarstvo za boračka pitanja
T U Z L A

Na osnovu člana 21. Zakona o dopunskim pravima branitelja i članova njihovih obitelji ("Službene novine Tuzlanskog kantona", broj: 3/07,4/08, 9/08, 13/09 i 8/10), člana 14. Odluke o utvrđivanju uslova, kriterija i postupka za dodjelu stipendija braniteljima i članovima njihove porodice, broj:02/1-41-27817-1/11 od 20.12.2011. godine i Odluke o terminu raspisivanja konkursa, broj: 15/1-41-27817-4/11 od 21.12.2011. godine, Ministarstvo za boračka pitanja Tuzlanskog kantona objavljuje

K O N K U R S

za dodjelu stipendija učenicima i redovnim studentima / studentima za vlastite potrebe koji su pripadnici branitelja ili članovi njihove porodice Tuzlanskog kantona za 2011/2012 godinu

I Korisnici prava po ovom Konkursu

Pravo na dodjelu stipendija po ovom Konkursu imaju lica iz člana 21. Zakona o dopunskim pravima branitelja i članova njihovih porodica ("Službene novine Tuzlanskog kantona", broj: 03/07, 4/08 9/08 i 8/10, u daljem tekstu: Zakon) ukoliko imaju status redovnog studenta / studenta za vlastite potrebe, odnosno redovno pohađaju srednju školu, i to kako slijedi: dijete poginulog, umrlog i nestalog branioca, dijete ratnog vojnog invalida, dijete dobitnika ratnog priznanja i odlikovanja i dijete demobilisanog branioca, ratni vojni invalid, dobitnik ratnog priznanja i odlikovanja i demobilisani branilac (u daljem tekstu: kandidati).

II Uslovi za dodjelu stipendija

- (1) Pravo na dodjelu stipendija po ovom Konkursu **ima kandidat** pod uslovom da:
- a) ima prijavljeno mjesto prebivališta na području Tuzlanskog kantona (u daljem tekstu: Kanton), odnosno mjesto boravišta u statusu raseljene osobe na području Kantona,
 - b) je prije ostvarenog povratka u prijeratno mjesto prebivališta, imao status raseljene osobe na području Kantona,
 - c) je u tekućoj školskoj godini prvi put upisao određenu godinu studija, odnosno razreda,
 - d) je redovan student visokoškolske ustanove i
 - e) je redovan učenik srednje škole.
- (2) U slučaju da se naknadno utvrdi postojanje drugačijih činjenica iz stave (1) ove tačke, kandidat se eliminiše iz daljnjeg postupka dodjele stipendije, a isplata već odobrene stipendije se obustavlja.
- (3) Pravo na dodjelu stipendija po ovom Konkursu **nema kandidat** koji:
- a) studira na fakultetu u inozemstvu,
 - b) ima status studenta-apsolventa,
 - c) je korisnik subvencije za smještaj i ishranu u studentskom domu,
 - d) je u tekućoj studijskoj / školskoj godini, na istom ili drugom fakultetu / srednjoj školi, ponovo upisao istu godinu studija /školsku godinu,
 - e) već prima stipendiju ili kredit po drugom osnovu i
 - f) živi u porodičnom domaćinstvu gdje se ostvaruju mjesečna novčana primanja po članu domaćinstva veća od 70,1% prosječne neto plaće ostvarene u Federaciji Bosne i Hercegovine (u daljem tekstu: F BiH), u prethodnoj godini prema podacima Zavoda za statistiku Federacije Bosne i Hercegovine (u daljem tekstu: Zavod).

III Kriteriji za dodjelu stipendija

Lista redoslijeda kandidata se utvrđuje na osnovu ostvarenog broja bodova po osnovu slijedećih kriterija: ostvarenog uspjeha u prethodno završenoj studijskoj / školskoj godini, imovinskog cenzusa, braniteljskog statusa, ratnih priznanja i odlikovanja, zdravstvenog stanja i osvojenih nagrada i plaketa.

IV Potrebna dokumentacija

Uz jednoobrazni zahtjev na konkurs kandidat prilaže sljedeću dokumentaciju **u original ili ovjerenoj fotokopiji**, kako slijedi:

Redni broj:	Naziv dokumenta	Organ koji ga izdaje dokument
1.	kućna lista kandidata u kojoj su navedeni svi članovi porodičnog domaćinstva, (<i>original ili ovjerena fotokopija</i>),	Općinska služba za opću upravu i društvene djelatnosti
2.	a) za članove PŠ-PB i RVI kopija prvostepenog ili revizionog rješenja (poslednje rješenje na snazi) b) za dobitnika ratnog priznanja i odlikovanja i dijete dobitnika najvišeg ratnog priznanja i odlikovanja, ukoliko nema status člana porodice šehida, poginulog, umrlog i nestalog branitelja ili RVI ovjerena fotokopija rješenja o ostvarivanju prava na mjesečni novčani dodatak c) za DB i dijete DB dokaz o pripadnosti boračkoj populaciji – uvjerenje o plaćama pripadnika u OS ili drugo uvjerenje koje izdaje nadležni organ odbrane, <i>dokumenti pod a), b) ili c) moraju biti dostavljeni kao original ili ovjerena fotokopija</i>	Općinska služba za boračko invalidsku zaštitu Odjeljenje odbrane
3.	dokaz o priznanjima u OS BiH (<i>original ili ovjerena fotokopija</i>),	Odjeljenje odbrane ili organ koji je izdao priznanje
4.	dokaz o zdravstvenom stanju kandidata ili člana domaćinstva izdat od strane ovlaštene zdravstvene ustanove i stručnog tima - konzilijuma, <i>ne stariji od šest mjeseci</i> samo za sledeća oboljenja: : <i>respiratorne bolesti</i> (bolesti pluća praćene trajnim oštećenjem respiratorne funkcije (sa vrijednostima FVC, FEV 1 I FEV 1- FVC ispod 40%, apsces pluća i medij astinuma, piotorax i respiratorni distres sindrom); <i>bolesti koštano - mišićnog sistema i vezivnog tkiva</i> (direktna infekcija zglobova kod infektivnih i parazitnih oboljenja, seropozitivni reumativni artitis kada je bolesnik nesposoban za bilo kakve aktivnosti ili vezan za postelju i invalidska kolica, ankilozirajući spondilitis, protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtjevaju intezivan i dugotrajan tretman, kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima); <i>neuromišićne bolesti</i> (progresivna neuromišićna oboljenja, multipla skleroza, mijastenija gravis, epilepsija nekontrolisana ili rezistentna na terapiju i nezarazni encefalitis i encefalomijalitis); <i>specifična stanja koja zahtijevaju skupi i doživotni tretman</i> (transplantacije organa, transplancija koštane srži, stanja poslije operativnih zahvata na srcu, mozgu i plućima koja zahtijeva duže bolničko liječenje, rehabilitaciju i intenzivni medikamentozni tretman) i <i>ostala oboljenja</i> (infarkt (srčani ili moždani), maligni tumori) (<i>original ili ovjerena fotokopija</i>),	JZU UKC
5.	uvjerenje sa biroa za zapošljavanje za sve nezaposlene članove domaćinstva, a ukoliko se ne vodi na birou za zapošljavanje uvjerenje iz ispostave porezne uprave (original ili ovjerena fotokopija),	JU Služba za zapošljavanje, Porezna uprava FBiH Ispostave porezne uprave
6.	uvjerenje o redovnom studiju sa utvrđenim prosjekom ocjena u prethodno završenoj studijskoj godini, a u slučaju upisa prve godine fakulteta prosjek ocjena iz prethodne četiri godine redovnog školovanja (<i>original ili ovjerena fotokopija</i>)	ustanove visokog obrazovanja

7.	uvjerenje o redovnom školovanju sa utvrđenim prosjekom ocjena u prethodno završenoj školskoj godini, (<i>original ili ovjerena fotokopija</i>) a u slučaju upisa prve godine srednje škole prosjek ocjena iz prethodne četiri godine redovnog školovanja (<i>original ili ovjerena fotokopija</i>)	javne ustanove srednjeg obrazovanja
8.	dokaz o zaposlenju svih punoljetnih članova domaćinstva i visini stalnih izvora prihoda (ftc. tri posljednje platne liste ili ček od PIO penzije)	Organ /ustanova/preduzeće gdje je kandidat zaposlen ili Poslovnica PIO /MIO
9.	uvjerenje iz porezne uprave da kandidat ili punoljetni članovi domaćinstva ne ostvaruje dodatne prihode, (<i>original ili ovjerena fotokopija</i>),	Porezna uprava FBiH Ispostave porezne uprave
10.	dokaz o osvojenim nagradama i priznanjima u školskim i nastavnim aktivnostima (<i>ovjerena fotokopija</i>),	Javne obrazovne ustanove
11.	izjava da kandidat ne prima stipendiju ili kredit iz drugog izvora ovjerenu od strane nadležnog općinskog organa uprave (<i>original ili ovjerena fotokopija</i>),	Općinska služba za opću upravu i društvene djelatnosti
12.	ovjeren dokaz o nekorištenju prava na subvencioniranje troškova smještaja i ishrane u studentskom domu (<i>original ili ovjerena fotokopija</i>), za studente koji studiraju na području drugih kantona, a za studente koji studiraju na području TK, navedeni dokaz će se pribaviti službenim putem.	ustanove za smještaj učenika i đaka (domovi)
13.	rješenje o starateljstvu nad malodobnom djecom bez oba roditelja (<i>ovjerena fotokopija</i>),	Općinska služba centar za socijalni rad

V Rokovi za podnošenje zahtjeva

- (1) Prijave na konkurs, sa potrebnom dokumentacijom, podnose se **u Općini, u nadležnoj općinskoj službi u kojoj kandidat ostvaruje prava iz oblasti boračko invalidske zaštite.**
- (2) Obrazac jednoobraznog zahtjeva kao i spisak potrebne dokumentacije zainteresovani kandidat može preuzeti na/u:
 - web-stranici Ministarstva
 - općinskim službama za boračko invalidsku zaštitu,
 - kantonalnim boračkim savezima i udruženjima i

(3) Uz zahtjev se prilaže i fotokopija žiro računa ili štednje knjižice, otvorene kod poslovne banke, na ime učenika/studenta, korisnika stipendije.

Konkurs ostaje otvoren 15 dana od dana objavljivanja.
Nepotpuni i neblagovremeni zahtjevi neće se razmatrati.

**MINISTARSTVO ZA BORAČKA PITANJA
TUZLANSKOG KANTONA**